

水流雲在館詩鈔



水流雲在館詩鈔

丹徒

周天麟

石君

五言律詩

癸丑五月十三日旅泊書懷示王遠山趙澗栴時同避大梁粵寇之警二首

九曲驚濤險帆遲爲阻風客心殘照外人語急流中旅夢愁難  
熟鄉書苦未通且沽村酒至薄醉一尊同

客路論知己同舟誼更親况當離亂日俱是遠遊人城市炊煙  
少河山戰鼓頻篷窗無一事翦燭話艱辛

與蕭眉生明府

日藻

飲酒賦詩卽次其原韻

快把新詩讀真如癢處搔風霜餘短褐恍慨話同袍滿地皆烽

五言律詩卷三

燧流民尙遁逃尊前拚一醉萬事等鴻毛

寄題劉容村丈

春宜

小照三首

泉石煙霞外悠然見此人不關當世事惟愛讀書身松菊陶元  
亮江湖賀季真忘機誰與共鷗鳥獨相親

幽懷何所託流水一囊琴涼月伴遙夜清風吹素襟獨彈惟古  
調當代幾知音我亦悲秋士孤桐感不禁

相見知何日相思悵各天鄉音問戎馬歸夢到林泉邗水西風  
急燕臺落日圓結鄰如許卜遲我勝湖邊

辛酉七月偕歐陽潤生

霖

水稼軒

恩霖

赴京兆試旅次書

懷用龔謫人

易圖

贈潤生詩原韻四首

舊雨聯今雨相看各少年及時宜努力當代正求賢恍慨書陳

闕摩拳劍倚天從來飛動意先付與征鞭

騷壇推健將我欲豎降旗妙句風兼雅多聞友卽師連牀愁聽

雨連夕疊扇細哦詩

詩人詩書潤生扇頭

偶有清狂態何如杜牧之

前度悲秋客重來渡虛沲典衣沾濁酒擊筑動高歌燕趙佳人

老幽并俠士多子生恨已晚不見意如何

離亂家何在窮愁計總疏功名遊子夢戎馬故鄉書投筆心猶

壯封侯志未舒茫茫此身世獨立重愁予

七夕寄內仍用前韻四首

記上長安道恩息已十年別離吾豈慣貧賤汝能賢風露憐今

夕星河悵各天歸甯如有意當待共吟鞭

時外姑僑寓秦中內人將擬歸省

五言律詩卷三

二

賦憂國杜陵詩

用內人舊句一聯

不盡蒼茫意能毋感慨之

女牛逢隔歲偏值雨滂沱

是夕大雨

惜別餘清淚言懷奏短歌良宵

歡易促仙眷恨尤多欲向天孫問相思意若何

盡日征塵抗宵來夢亦疏客愁蠹繞枕秋思雁傳書急杵砧疑

碎新涼算怯舒旅懷全不愜除爾孰憐子

途中摘荷花一枝穠豔可愛二首

摘取秋荷豔朝來露未乾卻宜君子比權當美人看宛轉嬌無

語分明秀可餐紅衣搖瑟瑟多恐不勝寒

好花如處女未嫁便傾城人愛花姿色吾諳花性情品高心自

潔香遠韻逾清彷彿凌波態其如畫不成

榆廂鋪書壁

道消竟如此驅車不易行凍鴉依店簇飢馬向人鳴寒暄日無  
色雪飛沙有聲探梅問何處空幕蹇驢情

三月甯城道中值雨

幾日征塵息脂車又復重雨懸村店外春老客途中芳草瘦逾  
碧小桃繁更紅東君如解意歸去莫恩恩

與新甫兄夜話明日將出都矣二首

黃葉下庭樹秋風滿鳳城異鄉兄弟感中歲別離情酒畔催驅  
什燈前落雁聲飢驅同一慨吾已悔長征

莫抱蛾眉恨從來晚嫁多功名空復爾去住竟如何司馬貧非  
病元龍氣不磨遙憐江海上猶未息鯨波

北河見小舟蕩漾由蘆葦中出不禁動鷗波縹緲之思

五言律詩卷三

三

蘆葦荒洲外誰家弄小船牽來故鄉思飛到水雲邊鷺影淡秋  
雪漁帆收晚煙何時辦蓑笠一棹泛湖天

雞爪河小憩

雞爪河邊路停車豁遠眸微風蘋葉碎涼露蓼花愁鷗夢不離  
水雁羣時叫秋詩情兼畫意都在板橋頭

磁澗曉行

已值苦寒月勞勞尙遠行霜隨雁行下山欲馬蹶爭朝旭淡無  
色凍流乾有聲板橋人迹在詩境憶飛卿

暮夜行山谷中

向晚雪全凍危坡那易行村煙千樹合窳火半山明谷暗路無  
影天寒星有聲劇憐小兒女辛苦共長征

留傳味琴丈桐小飲卽次其春雪詩原韻

新詩賦春雪欲報句猶怪眼底知交少尊前時事艱劇憐花解  
語權借酒開顏早晚吳艘至相攜雲水閒

舟過胥門有憶

耳畔忽吳語胥門多畫橈衣香風乍約眉樣月初描芳訊憑誰  
問離魂爲爾銷所思人不見雲水恨迢迢

晚泊烏青鎮

權倚垂虹外人家戶半扁繁音喧野蛤幽火閃涼螢月黑園桑  
短風微岸草馨裁詩當晚泊聊爾記烏青

歸過吳門又有感

又撥吳門棹煙波總溯伊眉稜殘月在心事早秋知病肺難除

五言律詩卷三

四

酒迴腸欲廢詩碧雲天際遠無路寄相思

范月楂司馬

志熙

屬題仕隱圖二首

淮陰新卜宅緣結鷺鷥盟地僻知交少官閒去就輕從來多古  
契所得是詩名淪茗焚香好曾無俗慮縈

政化清如水名留卅六湖宦情甘落窠學植肯荒蕪舊雨聯吟  
社高風想釣徒他年有歸約應念季鷹鱸

次李蘭洲司馬

增秩

原韻

孤坐百無事春愁黯黯生長閒消意氣多病減聰明聽雨鄉懷  
切看雲世念輕天涯問飛絮應悉未歸情

壬申三月將有江南之役陳桂舫比部

錄

以山水畫幀見

貽賦此答謝卽以留別

分手碧山遠曠然離思深  
鄉心濃水墨筆意淡  
雲林猿鶴有遐想  
風泉無近音  
他年此招隱  
策杖好追尋

蘭洲招飲餞別卽席賦謝次其送行原韻

對此一尊酒  
相看袂忍分  
殘春先送我  
後夜獨懷君  
紅雨鶯嗁序  
青山鶴離羣  
天涯儻相憶  
樹樹與停雲

滄州旅泊

喜說滄州近  
篷窗滌酒卮  
渡頭斜日落  
旗脚晚風敲  
水月含愁夕  
江山倚醉時  
謫仙有高詠  
朗誦起蟠螭

舟中望燕子磯

燕子飛何處  
荒磯今尙留  
江聲九派合  
山色六朝秋  
雲樹連京口  
煙帆去石頭  
登臨愁咫尺  
風利不能休

五言律詩卷三

五

題鄱獻臣明府

琛機聲燈影圖

寒機聲軋軋  
老屋一燈深  
此日思親淚  
當年課子心  
霜花留勁節  
風木動哀吟  
我亦遭孤露  
披圖感不禁

癸酉人日寄懷王小汀

茨邦上

何必梅花發  
相思已不禁  
每逢新歲淺  
翻憶舊交深  
臘酒膏騰意  
春盤冷淡心  
遙知草堂上  
忍凍亦孤吟

上元夜步月

一片山城月  
人家半掩扉  
沈沈官鼓靜  
落落市燈稀  
從政才原拙  
歸田願總違  
庭柯見烏鵲  
應共爾南飛

升竹珊觀察

升泰

於扇頭惠貽詩翰卽次原韻答謝二首  
入手珍詩翰  
功兼李杜深  
清才振臺閣  
秀句奪泉林  
塵海無知

已風騷有嗣音中條山色峻手骨並千尋  
天畀調梅任春先著手生官齋塵不到離海雪逾明雨過芳騰  
潤風含繡服輕奉揚當此際畧分見深情

宜園小憩疊前韻再呈竹珊觀察時余將去解梁署任二

首

追陪纔幾日離思比春深不是嗟行役多應眷故林青山成獨  
往流水感知音眼底雲岑隔來宵只夢尋  
一雨滋晴綠庭柯半寄生清音娛夏首舊夢憶春明閱世鴻泥  
幻還山鳥翻輕宜園堪小憩此別不勝情

孫霽霄明經

炳奎

屬題其先世琴語樓詩鈔

留賦四首

當代論詩派如公實近陶名賢多吏隱餘事涉風騷美錦才原

五言律詩卷三

六

異孤琴響獨高文孫珍護久珠玉一揮毫

邵雪嵐廣文

光祐

以詩贈行次韻答謝卽以留別四首

我慙從政拙夫豈曰能賢薄宦嗟毛檄雄心讓祖鞭無心雲出  
岫有恨水流年不盡蒼茫感啣杯一問天

鄭虔吟興好惜別念詞場我學填秦柳君才比謝王琴尊申後  
約燈火製離章預折相思券摩挲字幾行

爲問林閒翻應知倦客心別離同散雨行旅轉愁霖倚醉山頽  
玉投詩地擲金宜園亭一角惆悵獨登臨

經舍何嫌冷追陪惜未長師儒規道合騷雅具才良桃李陰方  
盛菘菘夢亦香此行真不負贈句壓歸裝

李哲亭山長

濬

以詩贈別賦此答之二首

恨不相逢早談經席屢陪風塵憐我滯懷抱爲君開元亮真高  
隱青蓮豈易才論文一尊酒有約待重來

投贈情何限先成惜別吟行因知已緩交到此時深泥雪孤鴻  
爪雲山倦鳥心明朝回首處惆悵只遙岑

石堤道中

伏盡尙無雨農田半已荒山川靳靈澤木黍澹斜陽老驥飲逾  
渴晚蟬吟更長災黎果何罪吾欲問穹蒼

內子以詩寄懷次韻答之

雁信先秋至繩河絡角明露蛩微有韻風鶴遠無驚燈底新愁  
集尊前舊感繁遙知當此際刀尺夜涼生

內子新秋夜登定羌署後小樓寄懷原作

五言律詩卷三

七

山翠蒼茫裹危樓月倍明星繁漁火閃角警夜烏驚風露  
秋懷遠關河別緒繁涼颼透羅袖莫向客邊生

月夜登樓有作仍用前韻

危樓倚涼夕地迴月逾明但見水螢沒不聞沙雁驚秋風歸思  
切舊雨別懷繁此意渺何極孤雲再再生

秋日巡邊見雁有感四首

又見圓沙陣紛紛下遠灘幾曾爭飲啄聊復耐荒寒此地留雙  
爪何人惜短翰因之念身世感觸豈無端

天涯離別恨多半悵分飛有弟還相憶無家枉欲歸邊關霜雪  
早鄉國稻梁肥莫是飢驅苦音書近乃稀

一片南樓月于飛影亦雙星河涵古戍雲水渺秋江錦字懷人



札涼音喚侶腔嘔啞似柔櫓那不憶吳艤  
昨夜西風緊蘆花作雪多飢寒仍不免去住竟如何雞鶩非儔  
侶江湖有畢羅弋人遙慕汝行矣莫蹉跎

沙泉道中

黃葉滿谿壑入山秋更深冷留千嶂雪濃巾四圍陰雲起有  
高致水流無競心籃輿堪小憩所愛是楓林

卽目

天宇真寥廓甯辨目送勞風鴉爭獨戍霜隼下晴皋遠岫寒逾  
淨孤雲懶更高稻梁何處覓吾亦等鴻鵠  
月夜抵神池

地僻秋將老山高日易沈霜華明廢壘風葉響空林處處鳴寒

五言律詩卷三

八

角家家急暮砧多情惟月色猶爲照離襟

夜宿軒岡

秋晚日偏短宵征途更長山川此跋涉天地又風霜深谷暗無  
影大星寒有芒遙知投宿處燈火出軒岡

題店壁

土室小於斗宵寒悄掩門甑爐煙莫避瓦缶酒難溫店月新愁  
色橋霜舊夢痕勞勞成底事此意向誰論

陽武溝

又歷山川險年時路不迷崖坡真偏仄溝水忽東西小築依泉  
壑浮生悟雪泥風塵吾已倦何日遂幽棲

水磨

那用推移力川流運不窮山居饒水利人巧奪天工石向谿坳  
壘泉從屋底通平生磨驢迹消盡此聲中

山行數十里水聲潺潺清冷可聽詩以賞之

潺湲聽不斷琴響碧天秋疑自雲根出爭從石罅流此間無俗  
耳何處問源頭那得清如許官聲似此不

原平曉發

曉發原平驛敝裘寒更增雲陰含嶺雪風色鑄河冰禿樹鴉千  
點低空雁一繩不須愁短翮早晚快飛騰

李公嶺書寺壁

直上李公嶺崎嶇實罕經泉爭危磴滑松補斷崖青境比羊腸  
險風疑虎氣腥裁詩題寺壁留待質山靈

五言律詩卷三

九

秋日巡邊作

行部秋將晚官隄柳未髡白沙分嶺路紅樹傍山村澗水清無  
底墟煙澹有痕壑荒今亟務稅後幾家存

端氏鎮河樓晚眺

獨上望河樓西風水急流村邊殘雨歇峯外斷虹收攜有幾量  
展杭無一葦舟裹裳應可涉好向榼山遊

登榼山

樵路侵雲細穿來翠幾重但看層疊嶂何止萬千松蔭古巢留  
鶴濤飛澗起龍禪關知不遠已聽上方鐘

馬村山頂雷雨將至窘不可狀

迢遞層陰起清秋望欲窮有山皆潑墨無樹不飛紅雷送峯頭

雨沙驚谷口風前村愁咫尺鞭策去息恩

次曹小芸上元夜坐詩韻

天涯風雪夜誰念苦吟身麗句先攜藻春盤莫薦蘋詩原清似水官豈熱因人且喜燈花燦笙歌舊例循

高都道中

馬首暮寒衝蕭蕭正北風亂山殘照外新鬼廢垣中瘠土荒逾老疏林落更空野鴉帶行色歸翼亦恩恩

山寺夜雪

高卧不知雪夢迴窗忽明恍疑通曙色微覺透風聲飢鼠嚙殘燭荒雞支斷更馱鈴門外急已有旅人行

曉發

五言律詩卷三

十

一片關山雪寒光逼寶刀人煙莽寥落盜藪失逋逃練卒邊心苦編氓夜枕高吾慙漢良守行部敢云勞

附城道上作寄陵川高平兩令尹

寒日上高峯山田雪尙封人家牛曝背樵經虎潛蹤安靜皆良吏艱難有惰農歸耕吾願足惜少畝衡從

擬遊定林寺不果

咫尺定林寺蒼寒但見松官輕空載楫僧懶不聞鐘煨芋緣應淺探梅興已慵山靈儻相識莫誚抗塵容

贈陳子閔四十字

百尺樓頭客三千里外身手標窮不死情性懶尤真眼底無餘子胸中有古人夜寒肩獨聳詩骨亦嶙峋

次子閔秋日雜感原韻四首

有客悲流寓吟身獨倚樓  
天高寒雨盡木落晚山稠  
倦鳥投林急飢鳥集戍愁  
一聲雲外雁猶訝樽俎  
閉戶增蕭瑟秋懷落葉知  
悶尋陶令酒高詠謫仙詩  
自覺貧非病誰憐老更癡  
與君頭併白愧說好男兒  
故山渺何處東望隔層陰  
各抱天涯恨聊爲塞上吟  
詩窮應例得酒病與年深  
只有籬邊菊能知冷澹心  
恩許三年住江湖夢不圓  
雪鴻留舊爪霜鶻奮空拳  
世事浮雲外鄉心落照前  
拂衣從此去歸思亦飄然

子閔原作

秋心無著處舒眺一登樓  
雨洗嵐光活鴉翻楓影稠  
閒雲

五言律詩卷三

七

如我懶新月笑人愁  
惆悵龍邨引憑闌作楚謳

世緣宏景澹天咫漆園知人怪  
貧能樂吾猶日賦詩散樗  
容偃蹇作達類狂癡  
古莽誰先覺翻憐時暮兒

不盡蕭騷意積愁如積陰  
那堪更秋雨兀坐此孤吟  
俯仰乾坤窄冰霜閱歷深  
握奇中夜讀鬱勃觸雄心

劍埋甘自晦觚破肯爲圓  
試問宣明面何如石勒拳一寒  
今至此百折尙無前  
胯下從容出千秋共粲然

疊前韻再示子閔四首

閉戶容高卧何殊百尺樓  
登臨今昔異身世兩風稠  
湖海多豪氣蒼茫接古愁  
水雲渺天末清絕榜人謳

宵吟方側帽秋味有燈知  
白髮明於雪黃花瘦入詩  
一官貧病

老三絕畫書癡我漸成疏懶還從失學兒  
誰將愁種擲蛩語出牆陰不盡炎涼感都歸斷續吟屏山秋夢  
遠榻兩夜談深一寸西窗燭明明識此心  
試問當頭月年來幾缺圓獨行仍踽踽憂思各拳拳冷况衣砧  
外狂名酒盞前君雖不解飲相對亦陶然

三疊前韻贈汪寶所茂才

本雲四首

諸侯老賓客獨倚仲宣樓影瞥城鴉亂哀聞澤雁稠寒聲催木  
落殘照極邊愁我亦登臨倦離亭笛起謳

難得朋簪盍尊前半故知強歡惟有酒卽事偶成詩此調嗟誰  
惜何年賣汝癡風流翻舊作不數比紅兒

談經虛舊席桃李不成陰一別春風坐重聯夜雨吟家山何處

五言律詩卷三

三

是潭水此情深記否珠泉約相期滌素心

浪迹萍蓬轉隨波亦自圓胡爲不高蹈猶復此拘拳風雨燈窗  
底江湖夢枕前舊遊如昨日回首一茫然

太原道中

大雪滿天地塞帷快晚晴途長愁晷短寒重覺裘輕節鼓驚心  
早春旗到眼明行行雙塔近似解向人迎

次子閔韻送章叔振

世恩行

同抱天涯恨相逢亦偶然慙余鶩駘駕輪爾鳳鸞翻一日友朋  
樂幾人文字緣恩息惜分手殘雪上吟鞭

疊前韻東子閔

燈窗共宵話風竹亦騷然醉墨千蛟舞清吟一鶴翩未能忘結

習相與說閒緣誰識今韓孟古心還自鞭

三疊韻

欲歸歸便得不盡想當然豈有鷺鷥侶而隨燕雀翩湖山成獨  
往雲水息諸緣爲語羲和馭休將白日鞭

東寶所四疊韻

留醉桃源客春風花欲然詩人來得得書記樂翩翩計拙成歸  
志情深感夙絲萬言倚馬待爲我一停鞭

五疊韻示子閔寶所

春寒門不出那見百花然夢早鶯兒破歸遲燕子翩才人多落  
拓拙宦少攀緣局促轅駒老還應恥後鞭

六疊韻再示同社諸子

五言律詩卷三

三

晝讀王摩詰詩吟孟浩然偶來弄柔翰不覺賦連翩偷我簿書  
暇結君香火緣所欣數竿竹新筍發狂鞭

七疊韻貽子閔司馬

人以君爲怪我思殊不然元龍自豪氣司馬必騰翩薄俗宜高  
卧清才失衆緣功名有捷徑肯與競先鞭

有感八疊韻

攬轡澄清志而今一慨然蛟鯨方激蕩鷹隼忽聯翩老去慙無  
用歸來信有緣驅狼固吾願孰假祖龍鞭

寫懷九疊韻

載酒江湖志當時已浩然功名甘鈍拙去住覺輕翩但得眼前  
樂都忘身外緣滔滔皆是也斷水欲投鞭

飲酒十疊韻

雪後留殘酒寒銷已兀然吟身差老健醉態欲狂翻蕉葉三杯  
量梅花一笑緣養生更多術記取牧羊鞭

子閔不善飲而酷嗜燒春詩以調之十一疊韻

君雖不善飲飲少亦陶然修到鴛鴦偶夢隨蝴蝶翩膏騰雲似  
懶瀟灑石爲緣醉上尋春馬還應因鞞鞭

思歸迫切難已於言十二疊韻

故國江山麗思歸尙邈然魚龍都偃卧鸞鶴自翺翩但得登臨  
樂皆闕雲水緣拂衣從此去五馬不勞鞭

贈鄭際虞茂才

時欽

十三疊韻

天涯喜相見雙鬢各蒼然肯作凡魚伴其如倦鳥翩湖山留後

五言律詩卷三

十四

約萍水話前緣好送春歸去青青楊柳鞭

答同社諸子十四疊韻

騷壇建旗鼓勝敗總欣然力與羣雄角章聯大雅翩雲山新壁  
壘燈火舊因緣中夜聞雞起先輸一著鞭

虎亭道中寄懷陳子閔仍用集中前贈四十字原韻

各抱天涯恨空餘日暮身世途窮已極交味老彌真才大誰憐  
汝情多亦累人茫茫問前路冰雪正嶙峋

水流雲在館詩鈔

丹徒 周天麟 石君

七言律詩

次徐柏臺丈

梁

冬窗偶成詩韻

半窗晴日影枚枚詩債尋常不厭催  
卧雪慣移聽雨榻護花應築避風臺  
因循歲月終非計料理琴書亦費才  
又是一年春好處寒梅差喜絕塵埃

粵寇告警感而賦此仍用前韻

遙知赴敵疾銜枚鼙鼓聲中臘鼓催  
烽火竟教連絕徼功臣疇克繼雲臺  
全資軍幄紆良策徒殉疆場豈異才  
寄語西南諸將帥捷書早晚靖氛埃

七言律詩卷四

寄懷孫春沂丈

日點

四首

當年道出大梁城兩世論交感舊盟  
一別傷心揮老淚片時握手見深情  
文章風格推先輩山斗儀型重老成  
猶記贈言須努力獨垂青眼盼雲程

古調輕彈只自知次宗端不合時宜  
一官落拓心如水卅載辛勤鬢已絲  
貧到忘憂惟學道家無長物但餘詩  
知公痛哭幾成癖我亦天涯泣路歧

公有小印鐫哭癖二字

襟懷淡蕩見天真海內名家有幾人  
要與騷壇建旗鼓故甘末吏走風塵  
宦情澹去如黃菊詩思清來似白蘋  
小草自維慙薄植向榮還仗被陽春

雙鯉迢迢尺素修更緘吟藁付傳郵  
雪消梁苑花爭發春入吳



江水急流故國湖山供嘯傲異鄉風物苦淹留他年儻許扁舟  
繫準擬相從載酒遊

落葉

西風昨夜響空林又見天涯損綠陰  
仲蔚門庭多冷落子山詞賦極蕭森  
滿階明月添蛩語孤館秋燈伴客吟  
別有淒涼聽不得誰家正急搗衣砧

東蕭眉生

日藻

憔悴蕭郎鬢已斑宦遊偏值世途艱  
驥雖伏櫪心猶壯鶴不乘軒品獨閒  
濁酒能賒姑盡醉好詩麤就未容刪  
我居恰與君相近門掩秋風數往還

孫春沂文書來問訊兼獎余詩並貽書翰賦此答謝二首

七言律詩卷四

二

一緘迢遞寄京華鄭重開函感倍加  
亂世關心情獨摯雲程拭目望尤賒  
苦吟憐我幾成癖宏獎如公或嗜痂  
此日裁詩聊賦謝到時風物正梅花

霜毫濡染擘雲箋大字能書腕力懸  
揮灑意隨持贈遠楷模心折拜登先  
一枝筆挾煙雲氣兩世交論翰墨緣  
吟覽湖山有清暇郵筒還望寄詩篇

綠鬟詠詞代吳琴修夫人作四首

侍女鍾情海樣深豪家重聘卻千金  
才如詠雪清無比骨怕逢秋瘦不禁紅粉幾  
逢傾國色青衣徒抱惜才心緣何恰似初三月乍現蛾眉影便沈

三五華年付水流也知緘恨上眉頭  
生成弱質偏宜病天遣多

情總善愁英武綵沈紗幔影海棠紅葬玉階秋前身應向瑤清  
住小謫人間亦暫遊

春雲一半記垂髫別喚芳名勝綠翹僥倖青山終瘞玉淒涼金  
屋舊藏嬌態愁空許吟詩憶魂小應難倩畫招檢點篋中遺屨  
在唬痕隱隱不曾消

近傍妝臺僅五年那堪紫玉便成煙人原似絮渾無定命果如  
花劇可憐始信聰明能損壽但知解悟卽遊仙未遑徵畫先徵  
誅索費雲霞百幅箋

漳河待渡用龔藹人太守

易圖

題壁詩韻

隔岸舟人馬上催臨流暫喜得徘徊漲痕陡落灘疑立山勢全  
傾雨欲來自昔奸雄遺亂塚卽今粉黛賸荒臺秋風五度過漳  
水底事名心尙未灰

七言律詩卷四

三

邯鄲道上作用藹人題壁詩韻

車馬勞勞近十年幾時纔許息塵緣浮名便得終成幻俗累能  
除卽是仙問已無才遑問世求官非計合求田竭來已覺春明  
夢不向盧生借枕眠

聞蟬

柳陰深處夕陽遲一路蟬聲動客思古調似傳流水意苦吟併  
入感秋詩縱然無口難安默自爾長鳴不諱癡笑語螳螂休奮  
臂此身還在最高枝

柏鄉旅次書壁

卧聽砧杵動層城棖觸離懷睡未成斜月靜涵窗一角新涼陡

健柝三更牀頭古劍餘龍氣壁上秋詩有雁聲聒耳况堪蟲響切感時都作不平鳴

變城題壁

三載京華已倦遊兵戈滿眼幾時休一官潦倒貧何補八口飢寒計未周枕上鄉心風鶴警壁閒詩句雪鴻留天涯我亦悲秋客不減當年宋玉愁

示歐陽潤生

霖

水稼軒

恩霖

仍用前韻

又向燕臺挾策遊勞勞塵夢幾曾休鴛衾小別秋偏早鴻爪重來歲已周清話幸叨良友共閒情都為美人留謂歌姬素琴當前不聽琵琶語怕觸江州司馬愁

有贈再疊前韻

七言律詩卷四

四

風月良宵恣客遊相思漫說此生休佳人北地空樓趙願蘭當年本屬周翠袖殷勤薜澤惹青衫淪落淚痕留無情最是東流水不洗人間粉黛愁水稼軒見素琴來轉伴睡不起故戲之

得閩人書賦答

秋鴻消息遞燕雲一種離懷兩地分寄語每勞商出處加餐猶復致殷勤但能自愛勝憐我不說相思恐累君知否西風搔首處又看木葉下紛紛

吳麟周

榮祓

以下第詩索和並出示其夫人謝毓芸詩箋

卽次原韻

不須搔首問青天遇合應知各有緣策爲憂時多忼慨文因下第始流傳看花興阻愁中酒詠絮才高遠寄箋他日霓裳重按

扣此身終屬大羅仙

鄭小研明經

國瑗

過訪留飲新甫兄後至

不須聚散感萍蓬且喜尊前舊雨同酒以戶論君最大詩爲律  
縛我難工鄉心共警愁風鶴泥爪重來悟雪鴻早晚眠餐各珍  
重此身都在峭寒中

我家村居風景以初夏爲尤佳賦此遣興

我家老屋江洲上門外春潮帶雨生帆影碧連京口樹山光青  
入潤州城充廚味美新燒筍隔市聲喧雜賣櫻回首村居歸未  
得那堪身世絆浮名

己未九月二十六日

勤政殿引

見恭紀

三年今始覲

天顏綵仗層霄咫尺開文采自慙飢鳳少名心

七言律詩卷四

五

常共野鷗閒縱求祿養嗟何補但望蓬萊到總艱留取斑斕明  
歲舞衣香曾惹篆煙還

將之睢陽軍幕留別閨人

連旬風雪阻驂駢出處平生願總違太息勞人多草草明知小  
別亦依依閒鷗臨水甘同夢病鶴辭巢已倦飛投筆縱能酬壯  
志嗁痕難浣舊征衣

陳留旅次夜雪同雁汀表弟子紱三弟閒話

不知門外雪橫斜寒夜連牀樂可誇爲遣閒愁吟柳絮偶牽別  
緒憶梅花艱難畢竟身爲客愉悅居然夢到家更喜燈前同表  
弟聯綿情話亦喧譁

葵邱道中

雪光寒逼日光低一白無邊望欲迷霽色略分村遠近平原不  
辨路東西經過墟落留鴻爪歷鍊冰霜共馬蹏恰喜車箱容臥  
穩莫教催唱午時雞

歸次邯鄲聞汴垣寇警

一鞭斜雨過邯鄲馬上誰憐客袖單遠道又傳風鶴警浮生都  
作雪鴻看漫云投筆功名易猶恐封侯骨相難自信此行無幻  
想祇留歸夢壓征鞍

題張朗齋方伯松鶴小照

十年前悔識君遲一笑披圖慰渴思貞幹自留松節操孤標閒  
寫鶴丰姿九重心簡恩原渥二品頭銜貴不知祇恐范韓勳  
業偉清狂無復似當時

七言律詩卷四

六

讀熊鶴村詩賦贈

兆松

十年幕府讎高秋杜老憂時已白頭傲兀吟身長似鶴蕭閒客  
思冷于鷗湖湘煙水時縈夢秦隴雲山半紀遊一卷琅玕照冰  
雪不辭朗誦破枯喉

青門感事次林竹溪太守韻二首

士班

頻年已是賊中來又見妖氛慘不開塗炭生靈情孰忍倉皇鬼  
賊禍誰胎連營還唱從軍樂救世終需撥亂才畢竟痾瘵塵  
帝念詔書重疊問鴻哀

滿目瘡痍痛剝膚不堪聽是夜嘯烏儒生報國惟孤憤飛將  
登臺試一呼此日兵皆疑草木幾時盜果靖萑苻漫誇城闕三  
秦壯人事滄桑頃刻殊

題陳岫軒司馬希謙紀游卷子二首

紅藥吟箋記手裁，紀程行卷又重開。陶情風月猶餘事，放眼乾坤有數才。勝地琴尊誰跌宕，倦遊詩夢我低徊。狂生涉世無長策，也愛湖山載酒來。

客中何處可登樓，荏苒光陰付水流。三月鶯花懷舊侶，一春風雨悵清遊。琵琶易下江州淚，盜賊難忘杜老憂。莫笑書生行李薄，壓裝詩卷抵封侯。

雪中過何愷亭參軍

英福

因留小飲其淑配吳琴修夫人

屬和東坡尖叉韻二首

斜飛猶訝雨廉纖，漸覺寒威向晚嚴。下里歌難酬郢曲，梁園吟好續吳鹽。新醅竹葉香浮甕，清夢梅花笑索檐。時聽爬沙疑似

蟹尊前鄉味憶團尖

七言律詩卷四

七

縮項人同集凍鴉，寒雲催眼阻羲車。清才畢竟輸吟絮，謂琴修夫人並王仲潤夫。老樹居然盡著花，策蹇有誰閒覓句。飛鴻如我苦思家，當年白戰騷壇壯賦手。深慙温八叉。

雪後與閨人夜坐疊前韻二首

冰筋分明想玉纖，坐聆宵柝氣清嚴。貧家風味諳菘韭，孀婦心情累米鹽。翠袖自憐寒倚竹，紙窗時訝月窺檐。遙知滑澁深山裏，踏盡樵夫屐齒尖。

強支寒瘦不如鴉，悶損光陰疾似車。怕觸傷懷吟謝絮，謂亡敢

誇同夢豔。江花最宜蓑笠橫，孤艇何惜瑤瑤滿。萬家沽酒預愁

明日路出門幾莫辨三叉

三疊前韻二首

木落空林月影纖宵寒偏覺十分嚴圍爐乍熟鷺兒酒傍砌猶  
堆虎子鹽此日冰霜愁晚歲幾人風雪念茅檐閨中賴有能詩  
侶一字吟安損黛尖

中庭積素靜棲鴉巷僻常迴俗客車炭屑煖煨茶銚水冰紋寒  
結硯池花絕無煙火憐袁徑但有羊羔笑党家輪與東坡老居  
士每多吟興遇劉文

雪霽四疊前韻二首

窗紙初烘日影纖微裘猶怯朔風嚴杯斟白傅新醅酒句補昌  
黎舊擬鹽泥迹都如鴻印爪凍晴時見雀翻檐分明昨夜尋梅  
去夢裏青山失翠尖

七言律詩卷四

八

一林霽色散寒鴉門外泥深漸沒車如許年光愁蔗尾幾番春  
信問梅花橋邊驢背饒詩思江上漁蓑屬畫家險句不妨追瘦  
鳥儼如矛戟互鏖文

五疊前韻二首

新篇欲寫吮毫纖詩境雖寬律苦嚴畫裏鄉心濃水墨閒中况  
味淡齋鹽消寒小飲圍爐火忍凍孤吟側帽檐料得故山風雪  
後嫩紅先拆早梅尖

絮聒生憎是曉鴉徑泥何處又鳴車豐年有喜宜占麥蚤起多  
情爲惜花冒雪清談無俗客閉門高卧卽山家幾竿待補疏籬  
竹倚向閒階當畫叉

澄亭與琴修夫人倡和疊韻甚夥六疊前韻奉酬二首

鏡臺雙賭筆花纖一粟寒檠夜課嚴咳唾詞華霏玉屑聰明才  
思鏤晶鹽但期白戰銷金甲不許紅塵拂玳檐畢竟閨中多韻  
事閒尋詩句鬪新尖

風塵蹤迹等羈鴉晨夕來過不用車壁上詩題隨意畫尊前酒  
共賞心花常懷舊雨如尋夢怕送流年當別家漸覺豔情銷似  
水冰天雪屋手同義

初九復雪七疊前韻二首

簾押低垂玉蒜纖好花相與伴冬嚴新購盆梅一株纔看集霰平鋪絮  
又聽迴風細灑鹽當代庇寒思廣廈幾人送暖到窮檐吟成欲  
待和愁寫呵手都忘凍筆尖

幾行淡墨笑塗鴉也學劉生賦雪車半夜窗明疑有月十分寒

七言律詩卷四

九

峭怕妨花人懷薊北天邊樹時新甫兄向客都門客話江南夢裏家不是

勝湖歸未得煙波無分守魚叉

雪窗無俚拈題賦詩仍用尖義韻邀琴修夫人同作十六

首

釀雪

昨宵猶見月鉤纖今日重陰覺較嚴竹葉早應儲霽酒冰花先  
已結池鹽有時集霰風迴幕忽地穿雲日到檐如此蒼寒天欲  
晚破窗青綉一峯尖

庭樹全枯立幾鴉同雲分布疾飆車寒先作意疑催暝天亦多  
情爲養花蔗尾年光愁客館梅梢春色占貧家幾番欲畫漁蓑  
句想像空江冷釣叉



待雪

天花猶未散穠纖但覺無風勢劇嚴弄暝乍疑籠作霧疑寒應  
已釀成鹽山僮預縛松間帚稚子時窺竹外檐知否老農同盼  
望辛劬所麥秀句尖

聽雪

爬沙如蟹響輕纖當酒方知換氣嚴側耳每愁窗裂紙關心先  
料徑鋪鹽珠塵細糝初聞瓦冰筋微敲忽墮檐緊閉重簾不教  
見丁東時夏玉鉤尖

七言律詩卷四

十

薄暮寒多欲噤鴉徑泥愁阻出遊車分明密響穿叢竹彷彿迴  
風舞落花瑟縮誰憐高士卧箏瑟都洗俗人家無譁鶯鶴猶成  
陣白戰何嘗拓戟叉

卧雪

折竹微聞逸響纖空餘高枕伴清嚴温磨睡味同金鴨淡泊家  
風共白鹽月映晶簾瓊作押雲棲紙帳玉爲檐明朝試拓窗扉  
望凍涕安能忍鼻尖

寒衾瑟縮儼如鴉此際常迴熱客車彷彿蠶眠蒙荻絮扶持鶴  
夢守梅花山中布被宜高士廚下炊煙斷幾家莫謂千人多捷  
徑袁門難覓路三叉

掃雪

數竿偏愛竹修纖  
做帚攜來束縛嚴  
石銚商量先熨酒  
瑤階寂寞任堆鹽  
一條漸可通吟屐  
幾點重看糝畫檐  
自是迴風勝人力  
砌陰多半聚花尖

曲背僮如縮頸鴉  
一般辛苦役鹽車  
浮蹤易惹沾泥絮  
小劫難逃墮溷花  
擁簪逢迎開蔣徑  
煎茶風味說陶家  
團團只傍庭柯積  
疑似林梢倚玉叉

煮雪

竹爐湯煖火微纖  
療渴都忘苦且嚴  
一樣調羹資鼎鼐  
幾人煎茗入薑鹽  
魚鱗沸乳將傳盃  
烏背含冰亦啄檐  
紙閣蘆簾自深暖  
篆煙時裊畫叉尖

七言律詩卷四

十一

脾勝嚼花豈有酸  
鹹同世味絕無煙  
火似山家揭來詩  
思清于水肯讓當年手  
八叉

詠雪

沈吟欲蘸紫毫纖  
白戰渾忘禁體嚴  
東閣官梅同研席  
謝庭風絮入歌鹽  
裁箋朗映冰橫案  
擊鉢聲掣溜滴檐  
載誦唐時姚合句  
果然詩冷語多尖

淡墨淋漓字自鴉  
相邀聯句客停車  
天開粉本偕詩本  
人對瓊花燦筆花  
一例催租來酒戶  
幾番分韻到鄰家  
不辭忍凍孤吟苦  
鬪險還思步鳥叉

釣雪

迷漫不辨水痕纖  
漁隱高蹤舊姓嚴  
雲影低迷天潑墨  
風聲乾

捲海成鹽團團敗絮沾衰領片片飛花入笠檐船底冰嘶寒夏  
夢料應消盡筍芽尖  
獨倚蓬窗數暮鴉扁舟安穩便於車江湖飄泊憐萍梗雲水蒼  
茫老荻花但使綸竿常在不妨鷗鳥共浮家霜鱗一夜隨潮  
上守定寒缸不用叉

出都三首

獵獵西風動客旌又催車騎出燕京依人我久同王粲賈賦誰  
曾惜馬卿汴水烽煙遊子夢薊門雲樹倚閒情歸心縱比寒潮  
急纜度盧溝第一程

十載征衫未改青天涯鴻雪記曾經宦情淡似凌寒旭客思疏  
於向曉星名士飄零悲落葉故人離合感浮萍殷勤只有春明  
柳送我長亭又短亭

七言律詩卷四

七

往還緣底促輕裝有約花閒未肯忘虛幌遲看梁苑月征裘早  
逼板橋霜離腸轉比名心熱歸夢還嫌客路長回首輒紅塵十  
丈勞勞冠蓋笑人忙

新秋夕感憶

碧天如水月如煙想到凌波意惘然桃葉渡頭人已嫁芙蓉江  
上訊誰傳闌珊風露仍今夕宛轉星河又隔年冰簟銀牀眠不  
得思量都在早秋前

蘇麇堂方伯

廷魁

以雪後東友詩屬和卽步原韻奉呈

騷壇白戰靜喧諠詩虎如聞風怒唬燕許文章原獨擅范韓兵  
甲况兼包豐年兆瑞心先喜軍食持籌聽不交料得梅花東閣

暖坡公餘事託吟嘲

王夢崧駕部

熙細

改官楚北詩以贈行卽次其留別京洛

南同人原韻四首

別緒如雲斷復連相思先赴楚江天君因遠宦偏多感我惜離  
羣屢損眠此去已無風鶴警再來應有雪鴻緣行滕不少歌驪  
什珍重臨歧手自編

十年駕部舊曹郎宦轍欣移向遠方鯉訓無慙承治譜鶴原有

痛誌離章江山到眼新圖畫戎馬驚心古戰場知否蒼生未蘇

息漫收才業傲虞唐

同是夷門感寓公分攜偏值亂離中津亭柳黯春帆雨江館梅

飄玉笛風隨處琴尊成獨賞異時詩札盼常通樓頭黃鶴如相

七言律詩卷四

七

問道我閒雲養素衷

李膺有恨不同舟洞湖難忘鄂渚秋衣浣征塵新繡牙夢隨春

水舊盟鷗漢陽雲樹增離色梁苑鶯花憶昔遊幸結寒梅仙眷

屬歌成白雪雅能酬

登太白樓題壁

岩堯高閣倚城隈過客登臨倦眼開隨處易添遊子感此行如

爲謫仙來除將塊壘除非酒不到飄零不悔才座上若逢狂賀

老那辭泥飲百千杯

南池謁杜工部祠

朔風吹雪滿南池策蹇閒尋杜老祠憑弔難忘憂國淚蒼茫併  
入感秋詩經過菱熟蒲荒地想見鳴蟬洗馬時不分天涯倦遊

客也來捫薜讀殘碑

史蓮生司馬

致壽

出示感懷詩步韻和之四首

旅食京華共幾春夷門重覲豈無因尊前惜別仍千里眼底論  
交只數人笑我閒身荒歲月看君妙手試經綸他時竹馬歡迎  
處定有謳歌起渭津

漫向風塵欲濯纓出山泉似在山清青衫司馬原多感紅藥才  
人早擅名儘有文章堪報國豈無心事欲歸耕須知海上閒  
鷗在莫負當年舊雨盟

竹窗燈火盍朋簪怕見霜華兩鬢侵落葉飄零名士樣梅花消  
息故園心空愁避酒山顏玉失喜投詩地擲金一事知君饒客  
感燕臺歸夢亂衣砧

七言律詩卷四

十四

馬上無端感歲華陽關一曲又天涯人來灞上愁攀柳客過青  
門憶種瓜行李蕭條衝朔雪知交零落賸殘霞清談且領今宵  
趣明日雲山望眼賒

彭簫九大令

鳳高

招飲卽席賦此明日余將有山左之行

圍爐好會踐君招檐際無聲雪尙飄難得開尊逢舊雨且同刻  
燭咏今宵宦途冷落詩逾健名士酸寒酒易消馬首明朝欲東  
去關河應惜一身遙

贈錢受益

九謙

卽題其小照

憔悴錢郎鬢已斑浮生偏值世途艱吟身似鶴神原逸旅况如  
鷗夢亦閒泥爪十年梁苑雪鄉心千里秣陵山論交只有張京

兆詩酒招邀數往還

謂張裕之  
明府其昆

舟中五日

每逢令節總蹉跎，今又天中客裡過。榴火齊爭朝旭豔，蒲帆恰趁午風和。江湖飄泊關心少，兒女青紅到眼多。采艾欲從何處寄，離騷一卷費吟哦。

丹徒城外夜泊愴然有作

江上孤檣自客星，卅年此地記曾經。乍聞鄉語翻嫌雜，久別家

山未改青老輩風流雲已散，舊遊枵觸淚先零。

道光庚子四月曾侍先大夫

同王西御先生遊金焦山

夜深鐵笛休吹破，怕有魚龍跋浪聽。諸名勝今忽忽三十年矣

湖上東袁颺廷大令

續慶

十年詩夢繞杭州，畫舫居然載酒遊。東道勞君頻纒綵，西湖容

我暫句留。美人鏡檻搖新月，名士尊罍滌古愁。只恐風絲太零

七言律詩卷四

五

亂荷裳先己不勝秋

石門舟夜

斜陽催散采菱歌，獨倚篷窗眷夕波。野蛤聲繁疑夜雨，水螢光定誤秋河。客中風露闌珊甚，別後星辰悵望多。欲寫新詩寄明月，廣寒宮闕太嵯峨。

何俊卿舍人

其傑

招飲於勺湖水雲道院觀荷卽席同莫

楚薈惟寶作

三兩吟朋上野航，昨宵秋已報荷裳。水添蛙地溪全活，風定蟬天暑亦忘。舊雨快逢知己飲，好花都學美人妝。城陰一角垂楊外，圖畫天然補夕陽。

范月楂司馬

志熙

由揚州調任淮北以述懷留別詩索和

卽次原韻四首

客星昨夜泛秋河，失喜維舟恰枉過。詩好漫愁同調少，官閒翻羨受恩多。江郎賦別情偏重，杜老憂時鬢已皤。一事輸君能閉戶，著書歲月未銷磨。

頻年宦迹紀清遊，司馬青衫易感秋。湖上琴尊開巒社，竹西歌吹占揚州。偶牽鄉夢思黃鶴，已淡名心對白鷗。留得風塵仙骨在，一時清曠竟誰傳。  
一翦秋燈夜雨寒，西風吹落雁聲酸。匡時自昔需舟楫，當代何人策治安。濁酒且謀千日醉，奇書偏愛滿牀攤。卽今妙試和羹手，莫把鹽梅署冷官。

七言律詩卷四

夫

帆遠夢尋枕畔，不忘今舊雨。尊前虛費短長吟，因君偶寫鳴秋句。落葉蟲絲共此心。

題王子蕃大令

鴻訓海天圖冊子

鳥嶼蒼茫曙色開，日邊欣又挂帆回。滄桑閱世原多幻，舟楫匡時豈易才。笑我風塵揮手去，輸君雲海盪胸來。珊瑚未許長竿拂，寄語閒鷗莫浪猜。

昔者賦日未能

水流雲在館詩鈔

金瓶十日太炎涼冷落班姬又滿丹徒周天麟石君

七言律詩

秋柳

西風吹長白門潮脈脈斜陽送六朝名士幾經搖落感離人猶  
記短長條城頭霜月同淒警笛裏關山正寂寥試向灞陵橋上  
望不勝攀折更魂銷

秋草

春閨兒女鬪芳菲一樣裙腰減舊圍南浦光陰遊子老西園池  
館酒人稀平原日落鷹猶健絕塞霜高馬不肥轉眼東風三月  
路羣鶯又逐落花飛

七言律詩卷五

秋荷

風裳水珮骨珊珊鏡裏分明秀可餐仙子生愁羅幃冷美人絕  
豔晚妝殘亭亭翠蓋猶擎雨瑟瑟紅衣不耐寒一自吳宮歌舞  
歇銀塘月色好誰看

秋苔

牆陰點點映斜暉池館重來履迹稀一鏡新霜驚短髮半幃殘  
雨換生衣壁間琴瑟音逾古石上詩寒句亦非想到同岑感離  
合故人今已十年違

秋扇

金飆十日太炎涼冷落班姬又斷腸風色亦應憐翠袖水聲空  
自怨霓裳枯紅江上餘殘豔團綠庭前泥晚香珍重舊時攜手



意肯因捐棄便相忘

秋衫

十載春袍未改青  
吟身似葉太伶儂  
驚寒刀尺和愁動  
墮淚琵琶倚醉聽  
難得美人親熨貼  
從來名士半飄零  
等閒莫向西風訴  
如此炎涼已慣經

秋簾

波紋滑笏可憐生  
一桁瀟湘畫不成  
竹檻留雲分暝色  
蕉窗聽雨隔涼聲  
長垂影寫疏燈瘦  
不捲香餘小簾清  
惆悵西風人倚處  
黃花憔悴亦關情

秋簾

竹枝搖月影  
西堂落葉蕭蕭埽  
半牀卧晚星河看  
駕鵲夢回山

七言律詩卷五

二

館惱嗷蜚關心消息  
西風早入骨相思  
夜雨涼想到橫陳  
雲水濶何如移枕住江鄉

小病經旬李蘭洲屢餽食物賦此志謝用其上巳日詩韻  
瘦盡梅花怯倚闌  
絲風絲雨候仍寒  
愁邊鬢影驚梳短  
病後腰圍覺帶寬  
燒筍光陰春易老  
惜花心事枕難安  
多君憐我飢腸大  
餽食頻番爲勸餐

吳園桂尊小集張子青尙書夫子命題吳園冊子一首

圖畫分明翠靄閒  
池臺竹樹互周環  
水香留客荷千柄  
秋夢懷人桂一山  
東閣琴尊成讌集  
北堂花月照歡顏  
要知泉石皆經濟  
莫道爲霖手暫閒

春風入座酒盈尊  
兩載重陪笑語溫  
畫裏湖山開畫錦  
吳中景

物讓名園幾人節鉞容高卧此地蒼黎感舊恩我愧萍蹤尙飄  
泊也來江左款師門

次鄧獻臣明府琛詠菊詩韻五首

晚節能持守益堅肯同紅紫鬪芳鮮西風笑我搔塵鬢冷雨催  
人情祖筵高隱且居叢桂後菁英特發嶺梅前常將正色留天  
地不事鉛華分外妍

兩開他日淚沾巾三徑歸來見幾人陶令酒懷猶似昔楚臣騷  
怨又重新殘枝傲兀霜無勁瘦影離披月有神淡到忘言真絕  
俗素心於我最相親

疊盜新從几案移孤根曾亦寄人籬交情冷淡猶吾輩壇坫風  
騷要主持瑣屑哀吟蛩最苦闌珊秋夢蝶先知相看莫漫嗟遲

七言律詩卷五

三

暮獨殿羣芳正此時

茱萸高會憶湖干別後江山夢到難幽訪亦曾勞客屐斜簪原  
不礙臣冠白衣送酒香初泛翠袖當筵色可餐簾捲乍驚人共  
瘦蕭蕭修竹倚天寒  
尊前雅自矜標格麗則何煩世俗誇老圃寬閒留隙地秋容淡  
冶勝春華有情香草非凡卉無分瓊林是此葩遊倦長安看已  
徧孤高畢竟讓黃花

贈獻臣明府卽次其題錢謫六明府詩韻

種花餘事作詩人大集哀然已等身冰雪清才孤賞得河山佳  
政四時新琴堂樹幟騷壇壯斗室圍爐酒國春自是風塵仙骨  
在十年依舊一官貧

月當頭夕讀黃筮耘明府

家楨

和獻臣詩再疊前韻奉贈

眼底論交有幾人閉門都忘在官身但教月色當頭好不惜霜  
華兩鬢新向底處求千日酒更無人寄一枝春天涯等是飢驅  
者畢竟輸君耐久貧

東潘擷珊瑚刺史

家鈺

三疊前韻

天涯同是未歸人三晉雲山寄此身泥雪分明雙爪在星霜感  
觸二毛新尊前舊雨留殘醉夢裏家山負早春一事與君相慰  
藉吾儕風骨豈長貧

題沈古春先生著書圖四疊前韻應仲玉明府

河清

之屬

壇坵風流代有人披圖猶見著書身閒中歲月編摩古畫襄湖  
山翰墨新惠澤長留花縣雨吟懷獨寄草堂春文孫久已承家  
學拙宦行藏不諱貧

七言律詩卷五

四

李蘭洲引疾將歸都門有詩留別卽次原韻送行四首

歷倦風塵厭此官羨君歸思浩漫漫人如元亮宜高隱詩到青  
蓮集大觀宦橐祇餘詩卷富世途差覺醉鄉寬春明舊雨應相  
待芳讌重申締古歡

閒中功課日消磨離補疏花屋補籬午枕夢回塵慮少秋懷詩  
得性靈多詞華體格追長慶觴詠風流繼永和疏懶興來猶杖  
履意行那復記坡陀

鄴侯家世本無慙書味還如啖蔗甘紀事詩猶留塞北願遊圖  
欲寫江南鶯花暢好春三月魚藻相依水一潭我有家山已拋  
負幾時幽勝共君探

出岫無心懶似雲  
還山佳氣日氤氳  
涼風過雁懷天末  
晦雨鳴雞感夜分  
大抵誤人成薄宦  
無多知己惜離羣  
入林把臂如相許  
過訪花時莫厭勤

輓潘擷珊瑚刺史四首

與君兩載客并門  
小別常思笑語溫  
一紙音書成絕筆  
殘年風雪感離尊

余於嘉平三日捧檄之隰川署任出晉陽省時君尙未病蒙以一尊餞別迨得君手札去君歿纔六日耳

連宵合眼鬚眉古  
幾輩論交氣誼敦  
從此坡公生日日  
椒觴先

爲酌吟魂

君歿於十二月十九日

落日西風猿嘯哀  
青山何處哭君來  
官如作劇場先散  
酒爲澆

愁壘已摧修到仙  
班仍歷劫

君由庶常改官水部 愴深大府最憐才

中丞 不教身後留遺憾  
銜結多應泣夜臺

七言律詩卷五

五

早知身世付搏沙  
再別鄉園計已差  
怙恃從教依地下  
妻兒翻

遣隔天涯遺文縱  
富貧何補旅魂能  
歸路尙賒聞道彌  
留長太

息河陽心事未栽花

俞逸仙書來述君病革尙以未得補官爲憾

痛定還疑信未真  
中年何遽殞斯人  
幾曾病肺能除酒  
畢竟多

愁易損神鴻雪錯  
教留兩度

君於己丑到晉奉諱南歸服闋復行來晉 鶯花慘莫過

三春他時陽羨尋  
君墓秋雨風薦白蘋

吳晴谿茂才

與余偕抵隰川未經半月聞其師擷珊瑚

史之計將送旅櫬南歸賦此贈別

客中萍聚未經時  
又向尊前折柳枝  
舊雨情懷千古盡  
春風涕

淚九原知分明  
泥雪孤鴻杳迢遞  
雲山匹馬遲  
此去鶯花如問

訊爲言天末正相思

秋夜病起得蘭洲詩札賦答寄懷

河汾秋色雁來初正爾相思得短書  
夜雨燈前新病起涼風天末舊交疏  
一官無補君應笑三徑能歸我不如  
重把詩篇百回讀報章深愧乏瓊瑤

重九李哲亭山長濬餽菊詩以謝之

病起心情強自持送花人到恰因時  
秋容絕世何嫌瘦晚節留香敢怨遲  
燈影白描疑入畫茗泉清供合評詩  
一尊待展重陽會醉倒東籬莫更辭

九日聞雁寄懷蘭洲都門

燕鴻代雁久離羣嘹唳西風不可聞  
白酒黃花應念我青山紅樹欲尋君  
登高興懶虛佳節望遠愁多向夕矚  
一角孤亭閒徙倚又看木葉下紛紛

七言律詩卷五

六

解梁試院卽事賦呈馬玉山刺史丕瑤張景樓孝廉泳時

延兩君入幕襄校州試

中條積雪燦銀沙向曉寒威覺更加  
略有酒懷酬竹葉豈無詩興動梅花  
初覆詩題東閣官梅動詩興余與玉山景樓均有擬作人來洛下同爲客春到江南獨憶家  
遙指塔鈴孤迥處城東先見日光華

疊前韻再呈玉山景樓

憐才心苦細披沙凍墨頻呵點漫加  
成見都忘胸有竹親裁敢說眼無花  
深情投分真知己巨手終推老作家  
如此聰明照冰雪筆端先爲洗鉛華

三疊前韻送景樓赴禮闈試

尊前聚散感搏沙明日相思覺倍加幾輩多情歌折柳一時爭  
羨豔簪花 上林春色開新宴京兆風流說舊家不是與君工  
慰藉本來才調擅清華

玉山和詩以肅州克復志喜四疊前韻

側聞邊徼靖塵沙抃手人皆向額加露布傳來飛檄草弓衣繡  
出戰場花銷殘烏合三千弩招集鴻鵠百萬家此日 天顏應  
有喜捷書先已達京華

玉山再和原韻五疊奉答

塵勞鞅掌歷風沙拔擢君當職屢加君以頻年勞績兩次保薦新拜五馬之命一代  
宗工推馬帳十年舊植憶潘花人誇召杜真良守文到韓蘇集  
大家况復詩才清似水瓣香低首誦南華

七言律詩卷五

七

高漢閣茂才麟臺亦予襄校六疊前韻貽之

不須困苦怨泥沙聲價登龍十倍加唾手功名同拾芥賞心文  
字勝看花人如白璧無雙品詩是青邱又一家似此清才况年  
少相期努力愛春華

呈漱山族叔七疊前韻

一枕江聲走白沙連宵鄉夢總交加天涯鴻雪留詩草壁上龍  
泉拂劍花梁苑枚鄒懷雅集濂溪風月屬吾家吟身在客須珍  
重莫遣新霜點鬢華

肅州奏凱諸將帥皆邀 恩賚詩以紀之八疊前韻

銷兵從此戟沉沙次第酬庸 賚有加新歲酒將傾柏葉故人  
書不寄梅花前歲張朗齋軍門有書云聊當隴頭春色之寄等語近兩年中未通尺一千山雪滿騰

軍幕百戰功歸宰相家謂左贊所愧未如班定遠也從籌筆見  
才華

與漱山叔飲酒九疊前韻

尊前鄉味憶爬沙酒債尋常不厭加大白且拌今夕醉小紅應  
放故園花絕無鱸膾思張翰但有羊羔諳党家難得竹林清影  
共偶然談讌亦風華

聞顧持白太史雲臣視學湖南十疊前韻寄懷

新持玉尺至長沙多士如林望澤加天設湖山迎使節材收杞  
梓豔湘花晉陽雲樹應懷我淮水風帆總憶家說與故鄉人共  
羨白華奉養又皇華

聞雁有感十一疊前韻

七言律詩卷五

圓陣寒驚大漠沙年年星鬢爲伊加一行斜字空留草滿地荒  
蘆不當花霜雪有誰能惜羽關河如我未還家縱然無分名題  
塔儀采居然蔚國華

示內十二疊前韻

瑤琴一曲譜平沙五夜寒深半臂加山外凍晴留晉雪室中爐  
火醞唐花愛蓮有約偕君子余有勺湖蓮隱圖冊子詠絮多才出內家內子  
與其姊雪舫風琴均工詩我愧心源同廢井十年前已竭詞華

有憶十三疊前韻

莫愁湖水漾晴沙塵外何期物色如名士飄零身似葉美人淪  
落命如花藏嬌浪說黃金屋訪舊難尋碧玉家惆悵凌波不可  
見懶拈紅豆數年華

和孔漱山太守年丈

廣泉

病起書懷詩原韻四首

莫歎勞生似爨薪相逢五馬正班春  
文如歐白無餘子政是龔黃後  
一人鉅手肯矜垂露筆清心先整辟塵巾  
年家忝附稱南阮客裏交情老更親

東坡慨詠積千薪億底棲遲又幾春  
三晉雲山長住客一麾江海未歸人  
量松乍緩哦詩帶簪菊先裁漉酒巾  
難得風流賢太守忘年於我最相親

旅食先愁桂比薪鬢絲都換鏡  
中春好冠幾見新彈日長袖終輪善舞人  
便欲登臨攜謝屐不如歸去覓陶巾  
鑑湖多少閒鷗在詩老襟懷淡以親

閉戶都焚煩惱薪盎然胸有四時春  
名場似墨應磨汝世事如碁曷讓人  
病後風光思竹杖閒中况味伴桃巾  
偶逢北海開尊日竊喜叨陪笑語親

七言律詩卷五

九

雨窗展讀履堂先生詩翰卷子謹賦一首呈升竹珊觀察

升泰教

淨綠軒窗絕點埃曉涼閒趁卷重開  
忽聞風雨先秋到但覺煙雲滿紙來  
蜀郡人猶思政績唐音公獨擅詩才  
因緣畢竟關文字豸鬲琴尊竊屢陪

登宜園平臺作

雨餘天氣獨登臺綠樹陰濃倦眼開  
南解風光隨節換中條山色擁城來  
園亭無主偏留客泉石當年亦費才  
苔磴不妨閒坐久此身何處著塵埃



靈石道中作書兩渡店壁次內子韻

石磴縈紆夾土坡三年兩度此經過  
條山春樹鶯離谷汾水秋風雁渡河  
猶有妻孥隨薄宦縱非槃澗亦長歌  
勺湖儻許偕歸隱應比風塵歲月多

內子作

籃輿緩緩度危坡暢好風光客裏過  
石磴千尋盤霍嶺晴霞一綫界汾河  
壯懷且自消杯酒薄宦何曾廢詠歌  
我愧年來才思減紀程詩句讓君多

留春

客愁聽到五更鐘夢裏湖山感寓公  
陌上花開歌緩緩天涯萍聚惜怱怱  
餘情宛轉遊驄繫小住商量語燕通  
說與東君行不得鷓鴣聲在雨絲中

七言律詩卷五

十

餞春

年年祖帳記東門不到臨歧已斷魂  
應有筍櫻陳綺席可無花柳侑離尊  
偷翻紅豆新詞譜怕檢青衫舊酒痕  
燕子何曾曾請別苦呢喃猶自敘寒溫

別春

唱徹陽關不可聽東風今日太忒惺  
將離漫說花枝好欲折翻憐柳色青  
執手何人申後約銷魂此地記曾經  
斜陽絮影知多少遮斷長亭又短亭

憶春

東皇攬轡竟何之惜別心情若箇知  
無事且爲花下飲有懷聊

遣客中詩尋芳伴侶仍千里燒筍光陰又一時待到明年相見  
日一尊重與話相思

乙亥歲除感懷

燭花低照夜寒初臘鼓聲中歲又除久客方知鄉思苦長貧應  
覺吏才疏毛生捧檄嗟何及陶令歸耕愧未如已分榮枯同小  
草春風時復仗吹噓

疊前韻示內姪蕭仲牧

并

草草辛盤餞歲初閒愁應借酒消除衝齋冷淡冰齋共城市荒  
涼爆竹疏絕妙青蓮雙管在分明紅豆一燈如圍爐斗室春常  
滿不待東皇淑氣噓

內子和韻示仲牧姪時由江右來晉

七言律詩卷五

十一

關河纔歷雪霜初卻話鄉愁歲已除此夕杯盤供饌薄頻  
年筆硯愧拋疏敢誇婦巧炊偏易竊喜官清水不如爲語  
阿咸勤勵志雲程何必仗吹噓

人日書懷三疊前韻

氈帷影動日華初積雪門庭罷掃除客裏芳尊良會少天涯梅  
訊故人疏豐年氣象歌盈止拙宦行藏處晏如試上望河樓上  
望魚龍春暖浪花噓

四疊前韻

市樹金鴉噪曉初漸看朝旭上庭除參來柏子香逾古吟到梅  
花韻亦疏過眼年華流水似關心春雨沐膏如天公畢竟多仁  
愛已覺和風比戶噓

五疊前韻

何日飄然賦遂初  
遑云五馬慶真除  
籌邊有筆心猶壯  
負郭無田計總疏  
一樣銜泥巢燕似  
半生轉迹磨驢如  
年來歷盡風霜苦  
纔覺春回暖已噓

六疊前韻

河流直下凍消初  
對此煩襟頓滌除  
多暇只緣塵牘少  
不才原與宦情疏  
空餘雞肋殊無味  
強畫蛾眉總未如  
拭眼雙龍起騰躍  
四山雲起若爲噓

七疊前韻

小閣登臨縱目初  
元龍豪氣未能除  
尊前舊雨關心切  
鏡裏新霜點鬢疏  
萬里功名輪定遠  
十年詞賦愧相如  
圍爐賸有裁詩

七言律詩卷五

三

興春意先從筆底噓

小閣因公赴鄉野  
眺卽景成詩八疊前韻

曉鴉爭噪凍晴初  
一白平林雪未除  
河上風濤都寂靜  
村邊煙樹亦蕭疏  
馬頭險境詩難狀  
牛背春光畫不如  
羨煞田家閒父老  
茅檐就日暖頻噓

九疊前韻

莽莽川原入望初  
年來兵氣已銷除  
柴荆旭暖雞豚散  
墟里煙寒鳥雀疏  
化俗慙無新政美  
歸耕愧不老農如  
柳條尙未春光洩  
已覺和風拂面噓

林家峪夜行十疊前韻

百丈危坡繚挽初  
當前怪石未全除  
回頭愈覺登臨險  
舉足先

妨率履疏近市墟煙千樹而遠山審火一星如人家晚飯黃昏  
後土室甌爐暖共噓

仲牧將歸江右以詩送之十一疊前韻

天涯送汝值春初隔歲冰霜已漸除但屢歸裝詩卷富每逢祖  
席酒杯疏廉泉愧乏西江潤險徑愁經蜀道如從此扶搖看直  
上東風不惜廣爲噓

望河樓上看雪十二疊前韻

看雪登樓拾級初眼前塵翳盡蠲除鴻蒼苦歷長河遠

上年水災鴉

點寒偎古木疏畫手圖成蓑笠好詩腸輪轉枯槁如調時我未  
諳鄒律暖意還思黍谷噓

上元夜眺十三疊前韻

七言律詩卷五

三

又聽官鼓報更初壯歲名心漸次除夜色低迷邊堞靜風聲迢  
遞寺鐘疏樓頭月已孤輪上渡口航真一葦如但覺眼前生意  
滿萬家煙火暖相噓

馬家灘看黃河次師竹齋廣文傳術原韻

大河直下勢難收一洗乾坤萬古愁此日煙塵靖函夏當年戎  
馬駐防秋奔騰似覺山爭赴紆曲翻疑水逆流

定羌城外向西流

桃花三月後料應春暖老龍湫

偕竹齋登定羌城樓卽次其卽事詩韻

西城遙峙岸東西

定羌城與陝之府谷縣相望不及三里

暇日登樓望不迷官堞

遠隨邊雪盡女牆高與嶺雲齊河流險並崇岡據穴處風猶上

古稽看到萬家燈火上恍如牛渚夜然犀

竹齋以詠東關石坡詩見示次韻和之

居然山徑闢蠶叢拾級如行蜀棧中地利恰教城獨占天梯誰  
謂路難通登高肯藉攀援力鑿險應知造化功更喜東來迎紫  
氣流丹飛閣倚晴空

王少崖大令

家坊書來以寄彭亦香刺史

作檀

詩見示卽

次原韻答之二首

鴻郵消息遞山城忽覩詩章眼倍明薄宦同嗟羈滯苦貧交彌  
重別離情君憐舊雨懷偏切我觸新涼感易生輪與風流賢刺  
史早歸江上結鷗盟

人海升沈各有由十年潦倒計難周山中宦味同雞肋塞上鄉  
心屬雁頭長缺秋風多感觸孤琴流水自賡酬分明一勺蓮湖  
在準擬生涯覓釣鉤

七言律詩卷五

十四

讀少崖喜雨詩五律三首再用前韻代東兼寄家篤甫太

守惺然二首

五言傑構抵長城老去詩才律更明郢曲何嘗矜寡和郇膏先  
已愜羣情流甘且喜都霑足吟苦翻憐太瘦生瓜代儻能來過  
訪一尊早晚話前盟

時少崖將  
交卸神池

相思欲見恨無由詞侶還思顧曲周高詠也應推作手短書不  
厭讀從頭山川到處供吟覽風雨懷人託唱酬羨煞小紅低按  
拍紫桐花底月如鉤

篤甫有紫桐花西填詞圖  
曾乞余與少崖題詞故云

奉檄遣撤防營事竣有感仍用前韻二首

幾年邊圉寄干城猶見旌竿落照明今日始覩諸將略何人不

起故鄉情憂時淚逐西風下望遠愁連北極生爲語山中舊猿  
鶴莫隨流俗易寒盟

涓埃欲効愧無由大府宣勞蓋慮周幾輩奇勳比猿臂一般微  
利競蠅頭須知國帑誠難繼但荷君恩豈易酬獨我壯懷  
銷不得每依星斗看吳鉤

秋夜寄懷四疊前韻二首

坐聆宵柝警邊城蛩語疏燈剔乍明一角星河勞遠望幾家砧  
杵動離情經句夢尙屏帷隔此夕涼先枕簟生天上秋期知已  
近歸來應及話釵盟

宦海萍蹤不自由持家有婦慮常周多愁漸覺銷青鬢借隱還  
期到白頭夢裏湖山圖欲補尊前風月句能酬夜涼如水吟肩  
瘦但倚珠簾莫上鉤

七言律詩卷五

五

途次原平驛大雪寄內

朔風吹雪滿平臬寒勁能將宿酒消世界空明雙眼濶關河冷  
落一身遙重尋舊迹增惆悵略遣新詩破寂寥料得望河樓外  
景四山應已徧瓊瑤

好客寄謝四疊前韻二首

不許吾君星平官吳

不許吾君星平官吳

不許吾君星平官吳

不許吾君星平官吳

水流雲在館詩鈔

丹徒 周天麟 石君

七言律詩

次楊子明韻二首

遼波何日靖鯨鼉宦海浮蹤任所遭烏鵲自憐頭白苦魴魚誰  
念尾蘋勞山城寥落容孤嘯身世蒼茫感二毛冰雪窗櫺無箇  
事一絢燈火課兒曹

短晷經檐日易磨消寒有酒泛紅螺梅花鄉信先春到柳絮詩  
情爲雪多郢曲自高原寡和邊聲雖苦亦長歌名心宦味都冰  
冷壯不如人奈老何

蕭介夫明府

樹藩

次韻見貽再疊前韻奉酬二首

七言律詩卷六

鉅手文章掣六鼉蓬飄宦海屢相遭時艱蒿目憂虞切民瘼關  
心撫字勞絕塞霜高憐馬骨重霄風順助鴻毛蕭郎憔悴周郎  
老同是山城舊揀曹

爭妍心事久銷磨老去蛾眉懶畫螺世路逢迎憐我拙吏才卓  
越讓君多邊關况味真蕭索槃澗情懷且詠歌眼底新詩照冰  
雪晚唐風格較如何

再贈介夫三疊前韻二首

金門射策背凌鼉快意生平第一遭自昔已耽文字癖卽今應  
厭簿書勞頻年塞雪留鴻爪繼起家風有鳳毛想到夜燈開卷  
共會看蘭玉入詞曹

寒月當空一鏡磨城頭山色露煙螺閒來斗室論心好冷比冰

壺濯魄多無事且爲長夜飲有懷誰續大風歌梅花已透春消  
息莫向空山怨奈何

介夫屢示和作四疊前韻答之二首

興來須跨海東鼇慶盍朋簪日幾遭酒債尋常姑儘醉詩筒往  
復莫辭勞十年宦味同雞肋一夕談風落塵毛難得尊前今舊  
雨等閒射覆亦分曹

小窗燈火硯重磨忍凍孤吟墨費螺搔首漫將天意問聳肩應  
覺夜寒多馬卿作客貧兼病杜老憂時哭當歌撥盡殘灰爐尙  
擁得來詩句愧陰何

五疊前韻書懷二首

釣竿久擬拂長鼇浪說風雲際會遭心在冰壺原皎皎身羈塵  
鞅太勞勞浮蹤到處成泥爪短翰何人惜羽毛回首京華冠蓋  
滿不堪重話舊農曹

星星短鬢已都磨夢裏家山想髻螺萬事不如歸去好半生殊  
覺感懷多鴻啓欲動化僞歎烏聽空傳暇豫歌雪虐風饕那禁  
得天涯去住意如何

六疊前韻示介夫二首

滄溟氣象久瞻鼇屈迹邊隅運適遭良吏本來從政拙小康從  
此息民勞官貧莫笑囊羞阮俸薄同嗟檄捧毛我未讀書邊讀  
律輸君舊學邁蕭曹

種花仙吏鋪先磨著手春回透指螺小住蓬萊嫌夢短舊栽桃  
李得陰多臺評預報三年最輿誦欣聞四境歌早晚遷喬鶯出



谷非君柯擢更誰何

連日大風雪窗無俚七疊前韻二首

風聲欲撼駕山鼇如此寒威實罕遭歲暮驚心羈宦苦天涯引  
領望鄉勞飄零賸有貂裘腋護惜珍同鶴髦毛五馬倭遲仍不  
發誓從忙裏得閒曹

雪光寒逼日光磨小拓油窗研甸螺豔想唐花邊地少才如謝  
絮內家多每懷舊友尋殘夢爲送流年發浩歌漸覺名心消似  
水冰天又手意云何

戲贈葉晴軒參軍

雲程

卽以催妝八疊前韻二首

狀頭夫婿快乘鼇天假良緣豈偶遭佳士如君真俊逸參軍有  
婦亦賢勞微名不競蝸雙角妙譽何殊鳳九毛待種河陽花滿  
縣頭銜應許署仙曹

七言律詩卷六

三

記取溫家玉鏡磨開匳先試畫眉螺羨他翡翠蘭苕戲從此鴛  
鴦福祿多合香華筵期盡醉催妝吉語付狂歌翩翩才調年九  
少不數仙郎傅粉何

與王秋涵飲酒九疊前韻二首

日出滄溟曉策鼇萍蓬蹤迹偶相遭歸田我已初衣負作嫁君  
仍壓綫勞未必千金憐駿骨何妨萬事等鴻毛年來漸識窮通  
理身外浮名笑爾曹

客懷權借酒消磨夢繞齊煙九點螺

秋涵山人

聚首漫愁知已少

會心難索解人多攀援本乏通天術抑塞聊爲斫地歌對影且  
邀今夜月尊前不飲奈明何

歲暮書懷十疊前韻二首

乾坤春氣欲騰鼇，蔗尾光陰六九遭。雪案拋荒兒太懶，冰齋晝婦偏勞。詩情冷淡敲驢背，家事紛如集蝟毛。莫笑殘年生活計，送窮文字屬吾曹。

半百情懷賸墨磨，名山何處問雲螺。浮生閱世搏沙幻，拙宦逢

場散雪多。時余權篆神武，因病乞假將歸。秋水一篇濠上想，陽春幾疊郢中歌。

江關欲問梅消息，知否南枝放幾何。

王愚山參軍熙經以詩見貽次韻答之四首

官舍依然四壁空，清貧翻覺樂無窮。亭名喜雨懷蘇子，屐待遊山繼謝公。此地論圍消夏日，幾時買棹趁秋風。天涯忽漫逢知己，三十年前笑語同。

七言律詩卷六

四

槐夏庭軒尙買春，故人不厭往來頻。貧交滋味同甘苦，拙宦行藏似隱淪。長袖輪他都善舞，好花憐汝獨含嚙。卽今燕寢凝香地，誰識江湖賀季真。

王郎磊落本奇才，行樂須將物理推。笑我情拈紅豆粒，邀君狂飲碧筒杯。酒逢舊雨先拌醉，曲奏薰風亦阜財。但祝年年書大有，何愁避債更無臺。

幾輩飛騰急濟時，壺冰心迹有誰知。謳吟敢詡碑盈口，老大徒傷黛展眉。未必棠甘人久憩，從來茶苦我如飴。賢良近亦模糊甚，俎豆莘莘共一祠。

時有懇將前任太守請祀名宦者

過可園有感疊前韻東陳子閣司馬大受韓二州明府仲

當前莫放酒尊空，偶有清吟興不窮。潘縣栽花經幾度，漢庭分竹待諸公。長留世澤承霄露，爭擅詞場繼國風。子閏二州難得相逢今舊雨，蘭言苔契一時同。

綠樹陰濃夏亦春，新巢燕子語頻頻。庾園一賦情難忍，蔣徑重開迹已淪。是園爲子閏尊人淮生太守守是郡時所構嗣經蔣開生太守重葺淮翁開生先後歸道山不無今昔之感

但見蓬蒿都滿眼，誰憐桃李尚工嘔。不來定惹黃鸝說說我，公餘懶是真。荒園局開已久蓬蒿没人偶一經過但聞鳥語分明可愛

鼓鼙聲裏將多才，鄧寇勳名眾口推。海上波濤愁沸鼎，山中歲月忍銜杯。時江海夷氛不靖

不貪枉識金銀氣，無分休通管鮑財。時有在晉豫交界處所試辦開礦事務余恐地方遺害阻格不行

想到匡時真乏策，飛鳴怕說鳳凰臺。鳳臺舊志云晉武帝太治元年有鳳集於高都之北因以名縣今府署後臺址尙存

槐天清話晝長時，慶盍朋簪本舊知。但得奇逢憐駿骨，何須晚嫁恨蛾眉。老來不羨花如錦，貧到能甘藟亦飴。五馬昔曾諳勝蹟，城闈有約訪叢詞。郡城外多古刹大可避暑子閏愚山皆有後約

七言律詩卷六

題榭山大雲寺壁

一榭居然載酒遊，簿書忙裏且閒偷。萬松圍住雲中寺，獨客來登天外樓。寺有天外樓三十六間得月何曾緣近水，乘風從此快凌秋。狂生不管山靈誚，竟敢題詩最上頭。

小重陽夕柬子閏

載榭清遊勝獨探，每思風雨住茅菴。登高佳節幾重九，耐久良朋無二三。眼底空餘詩卷在，掌中莫笑酒杯貪。閉門只有陳無已，索句猶能共夜談。

三弟書來以張裕之大令其昆魯陽受代留別士民詩索

和卽次原韻寄懷裕之四首

雁書天外破愁城入手新詩舊有名琴絕賞音彈不得碁收殘

局念都平才人大半飄零老拙宦從來去就輕絳水謳吟傾聽

久孫謀貽厥祖風清裕之與張明帥共祖乃祖曾牧晉之絳州遺愛在民至今稱道前曾請祀名宦因格

於例未行

去後思多說尹賢買山還藉賣文錢裕之曾稟筆遊大梁攀轅父老遮留

切軫恤煩苛法令蠲身世何堪籬再寄功名幾見瓦能全時裕之與

三弟均聖史議知君別有秋宵感不到銷魂亦黯然裕之二十年前悼亡曾寫秋宵集感

圖索同人題句

名場到處摘瑕疵莫抱關山失路悲爲政風流民望洽養親歲

七言律詩卷六

六

月昊恩慈尊鱸有味歸宜早梅鶴多情約肯遲知否西窗殘燭

底敲冰炙硯寫相思

梁苑羈棲迹已陳鶯花鴻雪夢疑真春來酒病渾無力老去詩

狂劇有神愧我浮沈猶遠宦如君磊落豈長貧他年儻許湖干

住張北周南合比鄰

四月望日自并會扶病歸來疊展大同陳伯平太守啟泰

詩札霍然而起賦此答謝

疊緘吟藁付郵筒青眼天涯得孟公老我愁深添鬢雪懷人詩

好愈頭風江湖身世思歸切櫻筍光陰望遠同賢守聲華良史

筆一時傳播徧雲中

程伯詩通守世榮約同陳子閱遊高平城西金峯寺讀壁

間方荷浦司馬龍光寄和前高平令龍皞臣汝霖詩即

次原韻

數峯青到半山亭勝侶相攜躡屐登雉堞橫雲留晚鳩聲呼  
雨潤芳塍眼前好景詩難寫身外浮名感易興纔罷上方鐘一  
杵喚回塵夢幾人磨

疊前韻

偶來觀稼倚山亭四月風光麥未登幾處樓臺銜暮景十年荒  
蔓圃閒塍天涯鴻雪皆陳迹夢裏鶯花每夙興大白滿浮拌一  
醉醉中狂語問誰磨

三疊前韻

醉翁曾記宴林亭已讓前賢捷足登典郡且摩邊戍壘歸田合  
傍故山塍詞章妄有千秋想政事慙無百廢興說與癡雲渾不  
管闌干拍徧料難磨

七言律詩卷六

七

雨後子闕枉過可園杜畹香廣文子綦後至遂留小酌四  
疊前韻

坡公曾以兩名亭喜見年書大有登留客坐傾桑落酒得閒來  
話豆花塍休嗟鸞鳳同飄泊有志雲霄合奮興我欲置身最高  
處一呼聽取眾山磨

沁濱野望卽景成詩五疊前韻

煙靄蒼茫接嶽亭憑高恰好成樓登天邊遠樹小于薺雨後野  
花開滿塍薄暝漸催村犢返飛泉疑挾澗龍興橫舟尙隔垂楊  
岸喚渡聲聲谷口磨

次伯詩借子閱遊高平城東定林寺詩韻

把君詩句讀從頭，偶爾裁箋亦紀遊。佳日且將春糗補閒雲，多  
爲晚鐘留斜陽。身世扶殘醉舊雨，尊罍滌古愁。想到及時行樂  
處，不須人海歎沈浮。

獨酌成詩卽以寄懷伯平太守並次其前寄詩韻二首

一尊何日酒同傾，醉發狂言醒便清。茹苦能甘茶亦齋，借材無  
分杖爲楹。感時欲濺開花淚，求友空餘好鳥聲。盡眼停雲望吾  
子，雁書早晚寄邊城。

來暮民歌得所依，誰知叔度意多違。縱教祿養烏鴉哺，爭奈名  
心鷓退飛。珂里能歸皆畫錦，瓠稜有夢爲宵衣。儻容宦海  
抽帆去，我亦風塵願息機。

七言律詩卷六

八

伯平原作

并州識面便心傾，促膝談霏玉屑清。減字徧吹桓野笛，讀  
書知破晏家楹。自來賢守多詞客，不信才名掩政聲。聞道  
郡民歌佛子，仁風翔被漢高城。

蓬山回首夢依依，竹使分符願重違。老去肚懷悲伏櫪，天  
生俊骨愛鷹飛。塵汗便舉司徒扇，風虐難禁老菜衣。旦晚  
五湖歸計決，煙波釣艇足忘機。

丹川秋興次子閱韻八首

十年幕府識高秋，睥睨時人迥不猶。一例雙棲同海燕，幾從獨  
立見沙鷗。煙波借隱留佳約，雲樹相思結遠愁。漫說騫楂斷消

息，乘風還擬續前遊。

雁影分飛悵畢羅蘆花作雪暮寒多飢來驅我甯歸得壯不如  
人奈老何自歎無魚門客散誰知有蠟命宮磨西風一掬憂時  
淚灑向空山發浩歌

敢詡庭魚挂府丞秋來鱸思已騰騰官廚雞肋殊無味世路羊  
腸極可憎讓爾先登誇捷足輸他善舞賴長肱放翁舊句分明  
在老我何妨百不能

東山遊展北山中率府逍遙大有人拙宦都忘身世累貧交翻  
覺性情真雪泥了了空陳迹香火依依總夙因好待定林霜葉  
醉還來觴詠藉苔茵

感動徒牽百慮端一絢燈火舊儒酸文從降格論原易棊到平  
心著始難花戶琴尊違日下柴門風雪問江干子山詞賦多蕭  
瑟莫作尋常嘯詠看

七言律詩卷六

九

昔賢典郡半詩豪煙柳風花憶六橋畫舸嬉春浮彩鷁輕裘換  
酒脫金貂湖山彫敝灾頻降宵旰憂勤慮獨焦聞說啓鴻已  
綏輯天涯愁破是今朝

軒冕浮榮亦儻來何如貪竭掌中杯但工傀儡逢場戲便算聰  
明絕世才結舌爲防讒作柄檢身須絕禍生胎蛾眉晚嫁知多  
少甯使愆期莫自媒

風葉寒巢戀故林不成歸計到而今羞窺鏡底新霜髮怕觸燈  
前舊雨心薄酒且攜山寺榼賞音誰識海天琴閉門獨有陳無  
已四壁嘯蟹伴夜吟

疊前韻貽子閑並示杜晚香廣文

子蔡

齊自芸參軍

福田

王子青茂才

清選

兼寄陳伯平太守雲中八首

乘時雕鶚快凌秋，鍛翮同嗟命不猶。  
塵夢未醒蕉下鹿，宦情都冷荻邊鷗。  
文雖可賣難爲活，酒尙能澆豈算愁。  
回首 瓠棧棲爵處，那堪重說 帝京遊。

世情雲薄比秋羅，幾日西風客燕多。  
倦羽差池歸未得，故巢零落待如何。  
要知司馬貧非病，猶有元龍氣不磨。  
青眼天涯望吾子，眼中人老一高歌。

第一家風溯右丞，少年聲價已先騰。  
大凡才力由天授，難免疏狂被俗憎。  
看劍忽揩宵醉眼，拋書時曲晝眠肱。  
廣文官冷參軍逸，疊韻分箋鬪險能。

黃花杯酒漉陶巾，三徑歸來見幾人。  
擬約湖山分地主，好留風月葆天真。  
滄桑閱盡名應澹，憂患經多病有因。  
忽憶雲中賢太守，何時解榻許聯茵。

一聲風笛太無端，聽徹鴻哀淚亦酸。  
長枕心情多瑟縮，短檠身世各艱難。  
愁添白髮明初見，志在青雲直可干。  
惆悵山城今夜月，吟肩孤聳不同看。

半百纔過興益豪，卅年泥爪記霜橋。  
生來飲啄羞爭鷺，老去詞章愧續貂。  
邊郡無驚沈鼓角，故山有約負金焦。  
不知叢桂花開日，猿鶴相思幾暮朝。

酒熟茶溫客乍來，說詩高興盡餘杯。  
屏除煙火非凡骨，驅使風雲要別才。  
小草自慙無遠志，奇花誰識是初胎。  
公門亦有聞桃李，肯託狂蜂浪蝶媒。



蕭蕭落木下霜林。楚客悲秋似我今。文字但真終有用，風騷忽變豈無心。燈窗菊影留殘墨，雨榻苔斑蝕古琴。官鼓漸沈街柝遠，獨含清籟發長吟。

述懷三十首卽寄雲中陳伯平太守

半生浪迹類萍蓬，曾向東華踏軟紅。豈料文章憎命達，得無疏放憶途窮。名心澹似幽州日，俠骨寒禁易水風。三十年前舊題句，不堪重問壁紗籠。

少小偏希物外蹤，竹林遊許阿咸從。看花並約攜柑客，翦韭先尋賣菜傭。紅杏雨霑詩屐潤，綠楊煙蘸酒旗濃。春駒隙已恩恩過晚歲，思量劇轉慵。

金焦山色愛吾邦，高閣登臨况有江。向夕濤聲喧獨枕，破空帆影納虛窗。憑闌讓客橫秋笛，話雨留人翦夜釭。身世蒼茫今昔感，不如沙鳥一雙雙。

七言律詩卷六

十一

賦雪梁園又一時，不才敢恨省郎遲。有書廢讀從兒懶，無米持家仰母慈。病肺幾曾能斲酒，嘔心非獨爲吟詩。庭烏日暮嗥偏切，各抱區區反哺私。

亂離骨肉鎮相依，不數韓康與陸機。滿地沙蟲成浩劫，全家戎馬出重圍。馮生久客歌長鋏，杜老哀時歎短衣。眼底煙塵黯河朔，鄉心都逐雁南飛。

大河風色暮寒初，行李蕭條返敝廬。獨立但餘司馬壁，重來聊賃伯鸞居。秋吟繞樹驚烏鵲，夜課燒芸辟蠹魚。葛帳年年愁負米，幾曾讀破晏楹書。

遊梁客去孝王都重覓長安賣酒壚大隱高眠容李白歧途暗  
泣到楊朱名場屢易新花樣戶籍空稽舊版圖濫厠農曹吾已  
愧此身終合老江湖

待漏曾聽五夜雞 觚棱夢繞未全迷星辰影肅千官靜雨露  
恩承萬戶低歸院柳邊容馬繫散 朝花底有鶯囀 蓬萊

清淺如天上浪說香煙滿袖攜

去固無聊住亦佳綠陰門巷近斜街星雲復覩垂裳治珠玉奚  
容被褐懷有約看花停寶轡不時需酒索金釵琴尊更喜朋簪  
盍彷彿歐陽畫舫齋

殘衫破帽出燕臺落葉郊扉冷半開我與轅駒同歷塊誰憐澤  
雁有餘哀關河涕淚存知己天地冰霜鍊此才記折春明門外

柳依依不惜首頻回

七言律詩卷六

七

周南張北舊比鄰風雨來過不厭頻戶外泥聲雙謝屐尊前酒  
色一陶巾黃花併入秋懷澹白髮纔添客感新位置琴書別疊  
盍得開同試小經綸

莽莽山河隔戰氛寒襦誰竟識終軍迂儒豈肯輕投筆貧士何  
嘗賤鬻文士卒本多烏合眾風塵幾見馬空羣登高偶挈重陽  
榼古吹臺邊酌夕曛

蘄門煙樹接夷門臨眺躊躇古意存雕鶚逢秋曾入薦鴛鴦伏  
櫪亦銜恩甘膺疏懶同稽阮敢詡雄豪比逖琨難得對牀風雨  
夕十年姜被許重溫

一鞭風雪到長安街鼓萋萋歲又闌臘馨香醅供醒醉宵燈情

話雜悲歡頻遭離亂歸無準暫得團圓別更難叨向謝庭分視  
席滿天飛絮不知寒

烽火遙連百二關無端破碎失秦山嗚鳥忽動思歸引叱馭幾  
忘涉險艱敢挈妻孥經壁壘愁聞軍士唱刀環親朋但灑臨歧  
淚目斷危旌不忍攀

怕說陽關已近天渭城一唱柳如煙誰知朝雨輕塵日便是生  
離死別年各有酸心慈母淚從無痛腹故人憐蕭郎早世周郎  
老天上人間總黯然

彩鸞一自嫁文蕭寫韻軒中興致饒愛月聯吟拋好夜借花澆  
酒作生朝偶因小極聰明減總覺長閒意氣消奉使騫楂欣附  
託且從河上賦逍遙

七言律詩卷六

三

詩如瘦鳥與窮郊寒士生涯未卽拋南郭儘容竿客濫東坡一  
任飯山嘲分曹豈必真同調著論何妨廣絕交試問雕梁雙燕  
子爲誰輕易別張巢

蓮湖一勺淺容刀君子花中隱獨高鷗鳥毋忘頭白約魴魚且  
息尾賴勞釣遊幾輩攜蓑笠俯仰隨人笑桔槔別有離憂雲水  
潤香詞不入楚臣騷

不戀朝衫戀芰荷畫圖題句忍重哦人中鸞鳳仍飄泊江上鴛  
鴦怨畢羅暮雨蕭蕭雙槳在晨星落落九原多青衫紅粉皆黃  
土獨往空山一放歌

宦遊汾晉便移家八口輕攜道苦賒塞雪徧留鴻爪印橋霜碎  
踏馬蹏花關山倚月吹桓笛詞賦悲秋入蔡笳笑我疏狂似坡

老也曾扶醉長宮衛

坐嘯風清古定羌一州斗大劇蒼涼登樓客並辭王粲舉椽人  
惟對孟光霜落河魚愁澤凍天高塞雁叫春荒無私青帝恩原  
普緣到邊城柳數行

亂山殘堞大河橫對此茫茫百感生累甚豬肝兒女眾官如雞

肋去留輕田園胡不歸彭澤婚嫁終當了向平欲效竹溪成六

逸會看巢父掉頭行

憐才心苦識元齡留我南豐眼更青

謂林穎叔方伯壽圖曾沉浦中丞國荃

安得

幾人腸內熱但逢知己淚俱零奇荒已見成枯旱甘澤何由下

晦冥霖雨蒼生大臣在閒雲欲去且消停

時奉檄提調災賑局務

薦贖無端愧謬膺依然倦羽失騫騰明知薄劣材難馭但念艱

七言律詩卷六

十四

危氣益增有譖鄒陽誰得免無欺季布我猶能堯都近接丹川

壤郡領河東盡股肱

漢庭分竹幾經秋莫補涓埃祇合休雲懶何曾經出岫泉清未

必肯同流生成拙宦甘貽誚處慣長貧豈足愁說到西風鱸膾

好便思先刺季鷹舟

木落天高霜滿林此閒風物正蕭森禽懶作移巢計老馬應

無戀棧心黃葉村邊頻繞夢白頭燈底幾沈吟庾郎哀思關家

國一賦江南已不禁

書味分明啖蔗甘兒時光景我猶諳挑燈喜入花雙蕊攬鏡慙

添雪一簪詩骨峻峭霜滿屋宦情冷淡月澄潭得來清夜乾坤

氣便識金銀總不貪

一詩換得兩圍尖嗜蟹無傷太守廉病渴酒懷翻窄狹忍寒花  
格亦矜嚴故人况味存齋曰孱婦心情累米鹽竹屋紙窗自深  
暖敢忘風雪徧窮檐

治行雲中久不凡抗言誰似漢陳咸名山合訂千秋席大海終  
回萬里帆愧乏波濤良史筆喜兼花月散人銜詩懷草草皆生  
意說與春風莫盡芟

旅夜

霜天月高夜氣澄三杯薄醉方曹騰饑鼠嗷嗷自穴出荒雞喔  
喔先客興篝燈作花小子粟布被蒙絮寒欲冰攬衣推枕坐達  
旦僕尙濃睡呼誰磨

七言律詩卷六

